

復
莊
詩
問

復莊詩問卷十六

大梅山館集

鎮海姚 燮某伯甫

泊舟淮安訪丁孝廉 晏 同登城西酒樓賦贈

訪君向中市巷窄清門幽斜陽下牆角肥薜烟剔搜虛
庭斂荷葉積雨生涼秋落落陶潛廬置我如閒鷗遲君
久不至至還登我舟更與入城去城西有高樓樓高見
千里泱泱江河浮長淮爲之綱一挈澄羣流遠風入窻
戶鬚睂爾脩脩狂談動天聽寸掌羅九州通才邁天下
不用將白頭忍以騏驎姿長索困其鯀繫昔客薊縣旦
暮偕夷猶驚颺靡弱草子歸吾何求子歸還讀書我歸

當服牛眼前一蓬轉明日良悠悠謂君見我喜適以重
離憂風檣動鳥語晚景東南收願君夜來夢送我趨秦
郵

寶應至高郵舟中六絕句

持螯漉酒共船家醉立當風葛帽斜次第吾鄉秋稻熟
賀公湖上看黃花

蠓殼船窗下上開水風狎晝夢初迴分明到枕香如霧
吹入殘荷片片來

菱蘆爲岸柳爲門解舍魚莊自一村簾渚無人鵬夢靜
水烟低護過黃昏

甓社湖平蕩遠烟晚來一路送鳴蟬不隨西樹斜陽盡
唱到天東月滿船

天際江城畫裏浮城低帆影在城頭帆邊佛塔零丁甚
不掩南門一角樓

城村約略女兒鄉日澹漪平曉氣涼幾陣莎灘青荳鴨
不知荷背有鴛鴦

聞江開客淮上未歸寄五律三章

潦倒廬江客中原一騎遊姓名關吏熟文字路人求自
負心能壯何知髡易秋西風近峻厲勸爾且歸休

開府畫堂高懸燈看寶刀黃金彫駿色白日閃鴻毛氣

折三河下才兼萬象勞榛山多虎跡我爲誦離騷
命世如君幾艱難得一官待徵無束帛歸釣有長竿水
涸魚苗盡天空木氣寒嗟嗟孤雁影中道尙漫汗

寄葉十八茂才二章

君體素孱弱還遭家難頻抱書淹鄉里壯志挫嶙峋大
道荆榛滿空山猿鳥馴相期堅閉戶紀載重天民
郡齋讀書處夙昔共湖山昨夕夢相傍孤燈若爾閒月
明天自闊荷盡雁當還憶否飄零客輪蹄尙朔關

曉社湖二章

不知是水是天光三十六陂雲水鄉亂柳分枝明藕汎

飢鳧垂翮隱漁梁崩堤草漲深泥黑古廟楓烟大燾黃
四岸如匱環浩浩一舟一葉水中央

北灣樹色散霏霏南渚平山動翠微下水上天雲日滿
萬青一白鷺鷥飛密防下洩資江牕飽看行帆讓石磯
安得明珠如月大來從草木布光輝

同謝同年增自小東門買舟由小秦淮至虹橋酒
市小飲遊平山堂桃花菴雲山閣諸勝薄莫始歸
得詩六章

偶離塵市翫便得好秋意壓渚闌影紅盡浮白蘋氣朝
爽催炮燈殘歌響猶賦遮揜空明嵐轉嫌柳多翠紆回

出柳縫萬鶯未醒睡短楫呼暫停愛此露飄袂灑我倦
客心已如中酒醉

城浦多畫樓高箔齊女牆倒影波心窻泛入青鴛鴦澄
懷不習綺但搜蘿底香蘿作空濛雲吹動初旭光回汊
漁臺平八折虹垂梁碧港如天河直引秋繩長望隨燕
飛沒燕杪孤帘颺移船且謀飲一泛頗黎觴

鷗語絮明淥意似憐弱菱莫疑磯水涼春藹浮上層疏
莊倚其側畱與蝴蝶矜蝴蝶輕五銖風過衣難勝中流
眄羣妙抱篴低舷凭笑彼呬魚唼我吳衫綾

太守今誰招虛堂掃華綺一鏡三尺屏烟翠納千里荒

土無六朝古愁亂難理但餘金粉痕
參落大江水西馳
日過中東帆行未已綠密如凍雲
樓閣罨其底遠近無
數簫攬雜鳥聲起迢迢北固山
娟然隔花睨

還覓桃花菴水廊繚疏竹
么荷祗一花已媚萬人目橫

波出暗鬢脆響漫釵玉團扇誰氏郎
其思慘以綠孤臺
交四梧潛有晚氣蓄安知無盡暉
平照野蒿縹塔影迎

酒鶻鐘響促箏局天末蓮心烟

蓮心寺名

一睂翦湘縠

傑閣如茵芝高作一城冠上府懸台
星矚然衆緯貫我

非秦微雲詩才頗矜擅惜此輕羅衣
但與攬花片天涯

志士心匿爲女郎怨避雨銜唾紅不
如窄襟燕振領宜

薄颺沃髮向空禱漸飄隋苑螢高下荻中見

八測行

行船如馬過八測碧樹交空曉涼逼雨灣烟影弄菱荷
一路江風送鴻鴈自浮巨棹望長天氣薄雲柔動秋色
下有大海高蓬萊自顧凡軀少毛翼昔時貼峽連錢驄
九市千人爲辟易白日一寸酒百石嬖子平頭待行炙
鴻文蜀楮愁金馬哀嘯燕臺裂銅笛平西將軍七座客
袖手無能掩戈戟壯氣偏爭一第艱光彩生塵到衣舄
扁舟書劒下江湖萬里風雲視狼藉狂歌任爾譏行路
爛醉聊當慰胸臆江上柴門子雲宅田黍沙蒲已青碧

歸看鷗鷺逐潮飛不顧河山有日夕

塘樓

北來十日苦揚舲得趁宵涼此暫停岸北人聲接蛙語
天東斜月讓明星樓臺水閣荷香滿走馬河橋樹氣冥
到枕臨安山色見一簷天際出亭亭

雨中獨居簡吳頴二十四韻

貧交多見疎寸心那從與淅淅篁枝聲來報隔離雨軒
然成大波檐低不能拒頗怨屋漏痕暗欺拂蠅塵市米
當曉炊抱有濕薪苦憐彼婦子餐潦草等窮旅故人巷
北居眇亦寡歡侶與我如齒牙生命各齟齬幸畱寸腑

寬嶄嶄岳堪貯海近天最高未妨長袖舉精氣散萬彙
意當貫之聚毋爲溝底蛙坐慕太倉鼠昨日城南樓清
樽面江浦莽莽風色開遠碧照鴻羽長情繫日月曠想
出今古我目通浩溟子眉挾飛舞豈真置體高但覺羣
象俯所悲壯盛年尙亂此生緒雲藏不附龍乃爲猿狖
侮銳筆同干將佩之究何補子尙今能來我還告子語
繞屋多葵花隔烟已含嫵罌酒雖不多鄰店易賒取移
簾蒼苔陰相期俟秋煦

勞心

塵心歸暫息未息是勞心且喜衣親竹還愁指澀琴天

懸秋氣闊蛩逐夜燈深夢力都頽憊聊憑濁酒任

過二茗草堂追悼葉上舍

元址

得詩五章

惻惻摧摧事難往追委世而沒人知子誰摧摧惻惻事
往難憶秋花在庭念子顏色

林日欲下蛛絲滿門窅然深堂疑子尙存積苔猶昔已
無屐痕慘我望目如對夕昏一蛩悲語倘爲吟魂

何賊乎壽夭其盛年測子夙意冥應未捐子之故人髮
將變元召靈以氣知來慰憐顏雲一牖已成古天鍾期
手爪吾盼琴絃

以子鬱憂與絃結糾疇來撫之而發其幽我亦能撫不

撫亦休大漠無埃曷容繫舟昔別晚春今來早秋五年
積雨逝不還流百年一瞬均此悠悠

落葉難掃人以愁老匿心吾中誰識榮槁子爲和風我
爲微草當其拂噓習亦忘好在習忘好今始悟稀子影
悽悽攀子之幃掩子之幃恐有風吹要留子魂來我夢
依

爲葉生

元赴

題聽秋吟館圖二章

林間有風爲竽瑟庭階無雨亦蕭森相喁天籟詩因壯
兀坐中宵氣與沈急水三巴猿嘯竹危峯獨屋虎聽琴
何如掃滌蒼茫象內斂元幽入寸心

今我不來將五年苔花菌葉益明嫣月華此夜開尊坐
鶴瘦當時乞石眠大地清霜浮肅色幾家老屋臥荒烟
崢嶸之子高林隱爛讀崆峒寶劍篇

爲章

元喜

題田園樂趣圖二章

荆棘消沈相馬臺幾人撒手賦歸來陶潛苦節詩爲命
王粲中年志可哀道路長風揮短劍園林白日照蒼苔
何時與鶴相鄰友十畝簷簷手自栽

破扉高風送海聲識君如在玉山行短衣願與聯耕犢
斗酒相期聽曉鶯且飽烟雲娛歲月須知林壑有功名
披圖珍重他年事整理琴徽譜濯纓

惱儂曲

春風向東吹春水向西流美人之家天盡頭春雲作帳
流蘇鈎兔華欲老蛾眉愁欲往訴之無方舟夢翩其來
非烟非黛贈我蛺蝶簪報以夫容帶夫容帶結兩頭蛺
蝶飛飛何時休垂羅袖撫玉琴歡亦知妾意妾亦知歡
心勿願作連理枝交頸禽但願生生世世常相見敢以
菅蒯微棄與道旁賤

斷岸

斷岸獨鳴犬遙山半入霞西風矮籬落開到木棉花

寄張

落葉前山滿寒來雁不知
亂篁湘女岸斜日杜陵祠
膏重菰烹鱗香濃菊照卮
東園無車騎小隱過秋時

爲馮丈

登府

作焦島藏書圖用其自題原韻

時丈以著

述藏焦山書庫中

人於天地等沙蟲乞佛呵名苦益工文字中年消慧力
神仙大劫警罡風山靈涕笑雲遮牖劍氣蒼黃斗匿空
媿我零星愁憤什珠囊籤署一時同

寄阮明經

亭

疊前韻

瑁璫年華賦二蟲醴陵才淺媿難工
垂楊倚棹思江雨
往雁銜書待海風
雪島枯梅如鶴瘦
珠湖明月自秋空

采芝種石三山約昨夜乘蚪夢與同

再疊前韻題馮丈拜竹龕詩稿

柳甸春鶯薜壁蟲相喁機籟自然工浮光大地如朝露
上樂鈞天是正風早挹吳山龍脈秀久令燕市馬羣空
何當更叩通元殿太乙靈威擘袂同

過馮丈夜話三疊前韻

蠢我無能蠹字蟲絡絲成繭遜蠶工清神照水明纖靄
高論排間動夕風長柄但持孤劒在名山誰信百年空
相將洗鍊塵中骨煮雪匡廬一鼎同

時有禾中之行四疊前韻畱別

未許閒居效蟄蟲石華袖短舞難工天將歲月驅寒餓
人各關河聽雨風賸有南湖詩卷在却愁北海酒尊空
垞南十畝琅玕竹誰與移船聽月同

渡錢江

隱隱山城曉翠開西風橫漢雁剛來無端去作江南客
行過西泠首重迴

同曹

德馨

萬

後丞

過辨利院觀所藏宋元以來名

人畫大士應真像二百餘軸記之以詩

萬樹旃檀香經秋不蝕氣法林吹爽颺龍象各顏霽我
從煩愁天來此歡喜地滌垢澄寸胸已無世間事癯僧

戒律深能識居士意掘發珍珠藏未容紺雲閣遠自貫

上人下及羅

兩華秋

輩畫派如禪支一一辨難昧泡電

一刹那舊家幾陵替采壁烟藻光黃泉夢同逝

吳樹虛記云圖

像聚自石倉吳氏後人不能守入於王氏質庫適王茨擔館王氏以修脯資贖之及見聖因寺貫休畫大士象拜請梁編修設林杭編修堇浦作緣於聖因寺後同諸像歸入院中並續購名像附藏得六十餘軸可憐

五色獅馬廐屈疲睡幸搜金剛廢力與蕩塵穢繼起梁

與杭湖山踐明誓小轉因緣輸大樹宰官衛龍泓

丁具

願力續作後筏濟遂使半席樓上瑰結靈祕客如枯井

鼃咋舌不能偈吾亦何所修增此眼福慧食息資陰陽

琉璃等柔脆縱爲南部民不奪舍利貴且飽山厨齋空

寶屏一切

七計切

靜聽西窗蟬獨語壞牆桂出門振頷歌

蒼翠拂無際高甍佛日懸照耀兩峯髻

許氏園看菊

兩三客作瘦猿影屋作空山畫苔靜爾花冷苦當怨秋
翻似春鬟列修整明廊疏竹嫩雲飄斜日纖蛩獨夢醒
頗矜夕燭懸百枝那識天霜下千頃吾家柴門溪水深
釣竿低拂萬丈岑烟色不挂飛鳥眼露香但匿窮士心
離騷誰解屈原賦此院未宜陶潛琴自憐憔悴溷塵俗
葛衫九月西風侵

過定水寺

復莊詩問

卷十六

十 大梅山館集

荒涼竹闥背山開鐘碎無蠡佛有苦抱木窺人多鳥雀
分寮職事半童孩元關上界扁真宰殘燈西天墮劫灰
時觀元人且列蒲團膜拜去夜庭月滿夢當來
畫佛象

高學沅學淳

昆季招同曹

德馨

羅以智

吳敬

范萬

後丞
泛湖

長鸞掃葉出萬壑西壁明暉畫樓閣天地將爲栗烈寒
逢此良朋胡不樂城陰一翦如練裁蒙之水氣無闔開
磯平藻靜鳥孤立淑曲蓉稀僧獨來放舟中渚清不埃
客橫金管吾玉壘心神能樹醉骨住肯偕羣象同傾頽
紅霞半指北岡塔青筍一握南屏臺低尋舊夢氣蕭瑟

高揭空鐘雲莽迴眼中七人吾最瘦畏此淒烟上襟袖
深涼感觸已不禁況爾森森逼曉岫病駒過坂誰來轡
明朝要與諸君離六橋楊柳盡髡禿何由贈我春風枝
舟行二絕句

解葉蒼黃相葉紅四山晚意入孤篷遙看海上風烟色
收拾微茫一雁中
唱罷西泠楊柳枝孤燈殘夢有衾知一川枯葦千山葉
又是疎篷聽雨時

鷺鷥

垂墨翩如梭橫江急雨過狎羣爭亂藻側影出枯荷荒

激魚苗盡今宵涼月多相馴不相警弋者自張羅

精嚴寺

一刹靈光井年年陳梓花湖山埋鐵券泉火夢銀槎鐘
語烟心塔檐搖陣尾鴉尙書開佛運典午事堪嗟

楞嚴寺

夙嫌僧態俗飯後木蘭來花界經壇徹天梯筍閣開浪
傳雲啟瑞幾見佛逃災上地豪家宅秋坪賸烏苔

金明寺

爲范蠡故宅中有
西子耕臺遺址

翦得西施舌何如玉版香粧臺秋月老佛榻夜燈涼龍
女禪誰悟鴟夷夢久荒且登天半閣一覽海雲蒼

十月初二日鴛鴦湖上水流雲在軒作餞秋曲讌

張熊萬潮家吉祥

均在座集者二十二人

庭池數片敗荷葉夢寫春燈舊羅褶牆角一樹枯桐枝
細翠但裊烟藤絲就中一軒容六几十二空櫺紗是水
二十二人同一軒人氣辟秋軒不寒七尺屏風百罌菊
人氣無寒地氣綠綠香暗繚初炙笙十月江南二月鶯
天色溶溶萬態安畫渚當門雁來坐與吾知者人兩三
憐我髮似疎柳髮餘人各自煖顏色萍聚何須盡相識
結斯豪社云餞秋此輩誰知秋可愁高筵傳觴吾獨醒
羅綺年華發猛省云云東逝湖流長偶來搖此華燈光

鷄鳴扁鵲落星爛霜到頭顛筵未散清歌良醞吾不怡
彼真曠達吾還癡

逢方山人

絮

一霎五年別相逢逆旅中歲闌迫風雪明日又西東千
里君孤雁大江吾去篷桃花開湖上願約酒尊同

題項易菴招隱第三圖

勝朝歲癸甲陽九邁天厄彗槍灼辰紀祗淫滿幽益東
南草木死震盪米脂賊流血灌河濱村堡聽聞隔王
師入鎮撫殘顛稍安獲惟時江浙間洶洶尙兵革秀州
一隅地探肱等鳬鶴荒角動哀語高垣黯垂夕天籟有

文孫冰壺濯神魄血戰通畫理卷舒宋元夕變相九十

九

先生嘗自少至老自寫行看子題曰九十九變相圖

見推董宗伯感時抱咤逆

乾坤慘孤息上書天門遙掉首海雲黑托懷續招隱颯

爽去鏤刻明淑分水關紆道立山柵曉昉狎鳬鵠秋貞

寄松柏凌巘石崩劣俯流水揚激鄰蟪吟晚竹挈獮飽

春芑放達師阮嵇才略匿臯稷長策守椽靜危徑出門

仄意遠獨囂氛庭清謝通籍非匿祥鸞姿甘心墮荒僻

咄嗟行路難闕市滿戈戟文章羅岸獄冠帶喪廉飭秦

谷中斷崩虞淵下昏汨淒淒沈昧幽浩浩入荒樊野馬

瞥已馳吾素厲清白詠懷疊三什上能屈莊翊鳴咽弔

青帝精采絢丹冊歲星乙酉夏閏月變倉卒號泣九市
震城門四槌圯遊火晝生碧照射及公宅猖獗莫抵禦
踉蹌走荆棘老母偕妻稚各各在行役扶衣趾躑躅掄
衿面徽纒餐風荒火廟宿雨破星驛蒿目人馬尸平野
鮮禾麥何問縹緗富棄置等泥礫踰時紀丁亥混茫宇
重闢涕泣作遺民得止木匪擇惻惻天星湖瀕難死無
步飄散筠菴書何由慰骸骼先生於此圖亦分等雞跡
誰知武塘僧虔祕尙疇昔揮毫重題叙川岳辨歷歷但
幸一卷畱何啻百朋錫運會迭否泰兩儀互盈蝕在劫
數或存狐鰲猶奚奪泊茲二百年古墨出芒色渲染極

沈厚包涵有元默茅堂顏朗雲故址賸荒櫟草并沒已
寒悲憤隱相卽尙如岸巾坐盪胸生霹靂猶子東井公
繼起品華碩晚盥怡清颺文畫守真脈拂縑吾與歌孤
燈爲騰焱奚數長江圖雄俊駕千億先生有長江萬里
圖竹垞嘗稱之
東林錮黨禍姚江遁枯寂敗葺茲偶存寒窻坐磨拭布
衣在天地雲水一鱗鬩

羅兩峯羅漢卷四絕句

香象天宮花作屏大獅王國鐵爲城百靈閃睒非人相
不數元丹幻姹嬰

鼻端出火腦生風罔象支巫現臆中幾劫輪迴叅上果

相攜瓢鉢到西蓬

變相消沈道子吳貫休刻畫夢中圖誰知妙筆花之寺
別具鑪錘鍊鬼狐

納荅沙鷗記梵名荒山窮水躡雲行上方一霎沈西月
大地晨鐘百八聲

高郵君漁釣圖

神高天宇玉鵬摩遁跡胡爲在澗邁
當湖風雨戀青簑王釣許約梅花隱
崔鉉曾聞楚客歌
記放春波門外棹月斜城溷荻烟多

水雲菴

相疑非人境結屋在雲均潭有古龍氣楮多怪鳥巢
僧向枯佛庭樹冒荒茅我豈參寥子隨禪學打包

醉後同萬同年潮月下過羅浮園

五官天賦何妍媸但惟骨俗難療醫初紅含蕾態百醜
誰來撫惜梅華枝烏頭已白鸞翼綠鸞小能歌那知哭
寒霜萬木生槁容盡俟春機轉陽谷羅浮師雄仙乎仙
去我已隔千百年天邊明月在掌上夢中流水非人間
佳女方思粉烟膩靜屋胡然有薜氣亂雲離台幻青山
闕露空濛憐白地子能彈瑟吾振簫攜子共倚闌干高
曲終倒騎玉蝴蝶背著寒風向暖飄

息耕草堂冬日卽事雜詩五章與黃太守丈

安得

庭楸葉盡勢槎枒天入虛堂影不遮
薛步紆迴留鶴跡春光次第到梅花
還山倦客無機警望海羈鴻感歲華
所幸瓠巴東海權得從斗宿伴靈槎

萬鴉掠地曉烟濛石阜憑陵氣亦雄
初日城闌明積雪頽雲天半揭高風
助予詩骨生奇崛遣子愁魔抵鞠窮
絕獻新篁三兩尺向寒斂氣益瓏璁

流水當門過客稀獨依古木看斜暉
大江雲雁書應到白髮霜燈子未歸
海靄夜來猶打屋圍蕉秋後已無衣
鹿盧在手生塵色起唱朱驂淚一揮

朔寒大厲慎添裘且寄閒心與白鷗琴枕雲甜茶夢熟

詩幃風押藥烟幽願隨藤杖尋吳墓或向冰天泛剡舟

我料吟晨迴煖氣陽光四字溢浮浮

時丈寒疾未愈

壇坫巍巍東閣開羣公聯袂肯偕來烏尤郭璞九仙骨

郭丹叔丈鳳

花縣潘安六代才

潘壽生丈翁

慚媿賤名畱短碣

於丈

章堂立題名碑

風流耆宿感蒿萊

謂郭頻伽先生墓

歸帆明日錢江夢

定挈靈猿倚石臺

梅花菴祭畫歌

黃太守得梅花道人吳仲圭畫山水長卷祭之其墓作祭畫圖余爲

歌之

萬象不動寒籟枯太守示我溪山圖荒烟亂木去蒼鬱

直從造化爭元樞其中微妙不可說但覺精采澄眉鬚
生龍活虎木公鼎翠旂孔蓋瑤臺姝沈心刻目相其筆
可與領略皆皮膚百金市此八珍膾鳳鸞麟炙無郇厨
東鄰咫尺道人墓乃設旨醴陳生芻天光裊裊梅華敷
寒香在几雲糝粘空山若或降神馭長髯大袖旁睢盱
五百年來幾易姓太平喜見今黃虞昔時祇騎恣毒掠
券臺餒鬼愁戈弧禪龕古骨幸完保敢望意外畱區區
誰料此畫出塵劫墨雖已槁神常腴若璽存漢壁歸趙
夜光不揜驪龍珠靈應對卷雪悲涕亦復大笑歡胡盧
道人當日閉門畫客屢聞寂愁妻孥安知落墨透千載

後之學者皆其徒沈唐文祝辦香奉笑論望瓚癡且迂
因知設祭例非創幽明訢合同節符想當齋盥肅稽拜
籬廩林鳥爲恬愉疎鐘落日城之隅牛羊上墉冬草蕪
明春倘復續茲典願從勦祀冠裳俱

驛騎傳詩圖爲黃太守文題

潮陽多悍民蟻鬪恣愚蠢刑法藐官吏有司策惶窘丁
年閏五月野嘯動荒囂一閭蹈危刃老稚半墨臙太守
率虎旅義冠駐罕罕名熟軍中韓膽已懾強忍斯時霉
伏交苦瘴鬱蟻煙等坐蛇穴日炙氣淒緊軍書間旁
午陟岡攬牛紉揭陽指烟郭瓦屋故人近大風嘯林薄
復駐詩問

長歌振頽紛縱筆草龍蛇擘箋束如筍急羽掇鈴騎空
匆走羊坂一瞬四十里雲天落飛隼叢溪虎貼尾北斗
照簾簾霜聲奏傳鼓城馬忽傳返屯兵鎮沈肅文光耀
焱焱雅歌誰投壺草檄幾磨盾不意馳突中華辭出警
敏披圖相其勢巖棧互嚙隣佳話後誰繼壯懷去無盡

贈黃茂才

杞孫

讀書如揀金沙淨光乃出洪鑪未入鍛先慎汰海力君
文何軒軒聞臺月白孤鸞驚以其餘菰及詞翰亦是龍
脊鵬連錢百迴紆鬱一傾盪氣如弩決無能先從茲六
合極馳騁還於心腑加策鞭南園靜夜張華筵寒月在

戶雲娟娟嚴霜壓屋燭光短勉盡三爵生微暄斯時座
客闕豪論君獨簡默無煩言詰朝過我證所學擺除客
氣忘蹄筌上閭九緯星鈎連霓裾霞佩棲神仙青梯有
級汝終到但防下海波淪齋論年於我媿兄事幸恕狂
論無相愆朔風掠地昏塵埃窮年作客吾可哀荒榛滿
眼少春色空山喜見梅花開明朝湖上別君去或憑飛
雁書能來人生樹立各自勉無令髣髴成頽衰

贈潘丈

兼二章

殘雪城闌路來尋處士家門幽馴暗雀庭煖舞高花斗
室羅元象空山老赤驂讀書師古哲晚歲健彌加

嶽輔東昇岱天根上宿氏經厨顏叔重詩幟奪昌黎氣
括無旁溢階崇阻寸躋曇摩森大律願拜乞金鑑

湘橋釣師圖爲黃大使

若濟題

腰解鹿盧劒手持珊瑚竿夢騎玉龍背濯髮天河寒珠
江十里鴛鴦窟萬柄琵琶水烟闊何如一舸荔枝灘醉
脫紅衣臥霜月

贈別黃大使四章卽題其百藥山房詩卷

巖飈起朔厲衆榮苦彫落稟植本柔餒難怨造化薄孤
松何鬱青完天葆輪廓霜雪蝕未到獨立出森削標準
萬生仰靈息寸心托閭寂向空山願訂歲寒約

不作嬌世想乃爲千秋人雕文尙皮傳先已汨其真聞
君素勗學奇字窮漢秦壯復縱遊轡河岳相主賓擷華
斂龍象指爪吾安馴天門不可敏荒荒自油雲

君家老鐵翁與我忘年交狂歌醉京洛風雪同綈袍每
嗟雅道衰在目皆蓬蒿吹萍向江水逝者何滔滔真氣
一訢合青天失其高窮途遇歐冶示我腰間刀始知昆
吾金採鑄同一陶

橫江圻龕赭大海浩聯婉托生匪殊土相見旣何晚歲
闌苦羈雁明將自東返同琴不並撫令我意氣短蛟水
下袞袞城闌接孤嶽歸當凌其顛夜佇月華滿散髮讀

君詩仙雲動華憶應有真宰聽六合大聲遠

附和原韻送別詩

嘉善 黃若濟 子未

讀君詩百回一讀輒膽落洪鑪烈焰騰霜雪忽迴薄
豹隱極省篠鵬搏振寥廓龍文百斛扛太華千仞削
不意麋鹿姿乃邀騏驎托聯吟怯郊寒且赴城南約
太原楊裘來羣知是天人阿瞞捉刀立胡奴諦其真
濁世尙皮毛抵掌效儀秦毋乃優孟似不足對大賓
鸞皇半空翔肯與鵝鶩馴輪囷復芬郁我方識卿雲
我兄善擇友半多嵇阮交見子所爲文久思結同袍
今直泛鴛水居然叩蓬蒿精采固奕奕詞源更滔滔

欸畱宿南園對壘詩城高閒騎出挑戰苦無赫連刀
緩兵得奇計一醉方陶陶

奇芬煦寒冽龍蛇墨池腕頗思日夕從所惜歲華晚
頓深循陔心月杪欲云返氣聯別愈難情親景彌短
相期各千秋攜手話梅燼惇飈雖切肌但覺春意滿
愛君若皓月見影卽舉悤明年二月期屈指未愁遠

贈熊丈

士鴻

今年下第出燕市到杭六月逢曹生

謂孟明

爲言巴蜀有

儒碩手揮千古神崢嶸近棲鄰寺避喧跡箕踞斗室書
爲城渡江倉卒不能訪面雖未覩心早傾謀生一硯計

苦拙旋復辭親客西浙涪翁招我來南園聊慰羈棲得
歡悅沙烟過海雲午低欲雪不雪千鴉飛殘年異地合
杯酒琴瑟並坐泠泠揮當時可見不得見意外忽遇緣
亦奇示余著作卷盈尺子髓經腴史膏液其光黃金堅
白鐵劫火罡颺不能滅况君經濟天下才胡爲垂暮猶
蒿萊君偏袖手得閒暇不作斫地歌嗚哀若將鍊骨到
枯瘦但能肉御非龍媒白君秀削銅梁巍七門苦水溪
縈迴箐烟木瘴極瀾莽中有百尺仙人臺却來溟渤縱
元鶴九還鼎火將毋灰紛紛耳譽誰知者有淚無端爲
君灑童山木盡鵬巢孤匝地靡蕪遍黃赭出門分手卽

萬里瞬息歡筵意難捨寒流一棹吾將行荒鴻尙自遲
南征衾燈夕解君聽雨我舟江上愁風聲縱有心跡挂
白日各無根蒂憐浮萍西湖三月楊柳青桃花滿市多
啼鶯尙來共醉宋家酒與君攜手登南屏

歲除日自校一年所作詩戲題三章

身入漆氏林懼奪墨之質遊騎馳入埏終當有歸室平
達無可疵等於中危疾鼓翮隨鳳鵬何能破天出豈真
元籟初欲奏必琴瑟捫心不可安展轉視吾筆

願以爐中火拉雜摧燒之轉念一寸蠶尙知愛其絲天
生吾面目肖者知有誰何況最靈心豈無獨得思獨得

問何在自問還然疑胡爲古大家猶難空所師

禪坐矜了悟衆魔已來緣欲窮萬派流須宅崑崙顛崑崙
崙在天地不過石一卷便能提挈之恐非樞之全不如
吾還吾或亦仙之仙春秋何是非鳥蟲體自然

復莊詩問卷十七

大梅山館集

鎮海姚 燮某伯甫

春始偶述三章

以下已亥作

居淹日苦窮春始事多暇有歡得乍萌爲愁補其罅祕
境獨意儲閒娛衆情借花轉空地明雲向夕山下宿食
宜酒消垢衣待棉卸駘蕩周廣生吾何負元化

家無負郭田尙有度閣書經歲積課程檢卷量盈虛唾
棄喜不拾積習懼難除偶覽曉光動如見春笑舒天殷
靜涵濔志士歸蓄儲莫結同塵人妄求大隗居

息耳籌百響未忘落葉聲能有幾日風娛此新啼鶯出

門闕人態接我皆和平在國爲恬熙在天爲旦明隔屋
荒墟烟盡作祥氣生弗願極華鬯願弗凋與零

對酒抒懷簡都門故人八章

隱憂不諒鬱成悲海國孤峯眇四陲酒味漸察人事變
琴歌未覺古音虧空庭花骨蜚烟瘦窄地江流繞郭卑
息影蝸居無弱夢龕檀刻像拜天隨

杜陵劇有死生哀小劫滄桑問大槐風雪輪蹄誰壯士
湘巫雲雨賸荒臺故人贈鋏掀睂看獨座清樽對影開
醉意知憐新舄好吾庭幸不長蒿萊

綺極江南六代城未添哀怨到蘭成玉人暗夢三年草

芳樹岑樓二月鶯小別相思中婦豔去時佳語大河橫
竟從春夜撩秋思枕有疎篁滴露聲

市僧徒爭汗馬勞千秋史筆炯難逃青山舊涕忘羅薛
白地雄聲仗節旄頗憶烏臺依日近未愁隼逕過雲高
佳人夙有椎埋膽袖底純鈎漫屈撓

吐納空青蹴嶠壺月輪倒入海心孤乍聞玉葉烟聲脆
已滌丹臺汞屑粗大地不偏祥瑞氣上元新賜太平符
臨風遠報諸公耳應喜南天萬象蘇

惜我逡巡負所求縛車驚鈍不能驅竟容落拓師張翰
幾見勲名悔許由黃蘗滿山飢雀苦碧桃橫鏡淡蛾羞

擁書坐作專城貴一笑邯鄲夢裏侯

石闌一寸鼠姑芽得氣須爲斗大花借我巨杯浮琥珀
聽噪陂手摘琵琶江塙昔種琅玕柳樂府今存蔡女笳
自喜梳頭無白髮此情亦足慰天涯

措就衣糧事不侵坐禪密室有閒心多朋細作家珍數
舊事新從日錄尋抽蛻貫胸防變想借蠅擁鼻笑癡吟
抒懷且付長鴻去醉裏山川落照深

合丈八箋四紙畫一巨梅七日而成

前身結屋羅浮隈大梅先生胸有梅胸中梅花第一樹
結雪爲骨冰爲胎出山喜邁玉堂客入劫懼染蕭州埃

空天墮蝶億萬萬地氣下吸成苔莓江城上元春燈輝
遍懸火齊雕明瑰淵闕羯鼓動九巷革聲排蕩神樞雷
夜中急雨打淒豔靜月獨向吾窻窺窻前老柏百尺豎
祥雲蔭屋青離披中巢一鶴翅輪大千年頂結硃砂堆
神清不受太古障鏘我琴韻生玉哀我方沈思入窻窻
珊瑚莽作枯朽摧繚根細網白非鐵萬廉如罽龍綃裁
藐姑含睇翩其來置酒招坐金銀臺似愁六合陽易遯
索我始氣噓殘灰躊躇半晌臂忽動海眼痛掃元霧開
蛟螭生猛起戰鬪風雲離合難尋猜星精耿落真宰手
石壁倒挂天塹睂七日來復見消息十年積憤供發揮

回看墨鏡等枯井巨毫禿盡髯髮事關性命不關技
國之楨幹仙之才掃堂代几尙嫌窄苦我背僕襪不輟
人間脂粉聽狼藉操此筆者今還誰維時鳳歷正寅始
各搜妙想誇譎恢悔無實際托根蒂精華飄散何由追
而我閉門獨成此直令衆象慚芳菲皮藏安肯贈庸俗
懸同北斗爭崔嵬不同北斗爭崔嵬拉雜燒之亦所宜
爾魂定去華岳頂蓮舟太乙同因依啼飢怨凍滿天下
被爾煦嫗無窮期否則守爾寒瘦態屈體仍作空山魍
蔭我前身舊住屋如和蔭我今屋楮屋中丹爐尙無恙
向平累畢吾當歸

孤花

孤花深有怨，匿葉向牆低。
色瘦辭人賞，烟明畏鳥啼。
靜香思酒釀，髻歲與春齊。
嫩夕風多峭，誰來慰爾悽。

稚竹

力弱須牆倚，微搜粉蔕開。
借聲風薄樹，試影月橫苔。
閣氣空天照，新枝過蝶猜。
丹山有雛鳳，須爾長時來。

初草

軟烟新夢縹，古怨夙根尋。
大有迷春想，難爲倦客心。
看渠光汎濫，畱得露浸淫。
從此關山道，夕陽愁漸深。

嫩苔

閉門不放展靜與養天機簾隔深逾媚花黏定不飛淺
痕畱過鳥古采動斜暉牆角拾釵女自憐新濯衣

王湘州畫靈石旅舍圖爲楊星曜題

定襄告捷六合平斯時扶餘方用兵倉皇靈石一杯酒
天意早遂風雲盟湘州畫筆極妍古積雪嚴寒寫窮旅
天人一妹翩何嫵鬢影吹烟目能語就中一客高據牀
雙瞳閃睖擐戟張探囊七首瀝人血羣星夜黯河雲昂
新義之甥李景武骨相崢嶸可食虎茅堂樺燭攜紅袖
眷屬天涯忽萍聚江陵甲馬籌枰糧宮邸驚鴛散歌舞
汾陽王氣方鬱蒸揮手且作西南行幾州狐鼠亂殘局

三原熊鳥驕連營夫壻封侯阿兄貴回首楊花泊春淚
記否紅衣並玉鶉曉月昏沙馱殘醉旄頭入海橐玉弓
文皇賜履章華宮誰知草昧開天下勛數紅顏第一功
春陰獨居卽事五章

貌綠一寸芳瑟縮怨烟濕簾角闌殘花落九將及十守
硯過半春白日暗中急薰爐裊晚香但爲霧氣澀吾心
匿和煦紛紜思遍給飛羽力不勝嬌蟲尙深蟄層樓對
好山供我睡餘立美人棲蘿陰情睠宵難入陽麓多瑤
枝謂今已可拾棄置負盛時使我動愁悵

隔竹遊絲風媚我薄衫影澹冶不可持略使病體警無

端遠柳西一抹出斜景平江如翦綃映柳綠逾靜夕氣
徵不收獨鷺照千頃拙我意緒單繚與絮雲迴寂寂川
上磯不見釣魚艇但見行者帆去去入溟漠切空疏黛
痕漸與晚烟併碧窻高下樓愁目幾人醒

嬾燕晨語庭吾坐被薄棉頗愛病婦牀靜借簾波妍我
懷陶徵君塵俗資酒蠲達意不能師苦因元鬢憐豔陽
闕芳趣百彙期悅年就是忘榮枯俟命安其間高齡百
歲壽幾與佳春緣況此一春中半遭風雨顛我吟倦還
酌招兒來膝前爾今逾十齡讀書毋畏艱

數日息勞攘便覺伏處佳眷想能賊心不如寡所諧今

朝得微雨屐響聞過街花信離卽中和光闊無涯失爾
虛靜機接目遂多乖樂舞聊迴旋動壁孤影偕冷風御
吾意吾袖如玉指灑落一袖雪掬洗塵熱懷清樽酒未
盡無人過吾齋坐看鄰篁雲來惹高檐槐

黃雞始出殼食與雛鴨爭雖爭無惡機各自娛所生閒
居體物態遠見蒼黎情盡泯饑寒虞天地何不平南窗
氣略暄一蝶偶來停似嫌荼蘼枝故作遲遲英三日不
過圃苗土當有青短藿雜莧苗便思嘗其馨鄙人不務
農於理頗知耕今年當大年奚待秋稼成

三家彝詩

積古金石勤髣搓奇文翼許鮮謬譌三家彝銘等子似
二十餘字無殊科清儀奧僻種水洽更翻詩意相研摩
魏余謏陋寡新識敢請逐流揚其波惟商甲乙序行第
冊書臚列如掌螺申伯尹辛並周輔丙王穆產魯所多
文子爲寅宣子甲考晉之荀遑論他日丙日丁父子系
承先取義何媿嬰乃卽陽名證晉地東陽軍道馳朝歌
平陽革自羊舌地南陽統魏臨長河夙封處父有陽邑
絳鄉黃父爭差義此但名陽例殊衆斷爲其地當匪苛
趕叔或屬造父裔史始惟夙終括羅孟襄成季叔之例
要爲卿貳森冠珂服休迓休見羣籍取釋祥順泥偏頗

日對乃盡對揚義沐庥下飲春風和小臣臣下等謙抑
與微踐爵凜委蛇何須班列大夫士釋名白虎陳縷覲
貝朋字義古通解錫百紀述詩菁莪貝爲介屬重其壽
冀膺綬祜徵飴餽三朋二合作一篆詎猶切母同梵伽
綴辭蒼駁遽難究恍如捫壁尋蚪蚪大抵肝蠶佐純席
竹籩木豆偕授抄勲臣私祭勺分虎明禋上禮尊同犧
承天子賜報祖德芬苾與實瓊山禾考伐鐘鼓舞節象
克通冥漠誰祝鮀皇皇故府墜元典遺器若有神明呵
官厨得此信矜祕探討文字徵吟哦撫捫潤質鮮摧剝
若有瘦碧含苔莎因其所製述所識拘泥徒若膏盛輻

周頌敦詩

頌敦錫始周頌臣雖容同案月都敞伯角仲獻孰先後
制茲天器光斑珣年不書王異師遽霸魄竝義沈結璘
宮爲朝寢宰左右六門九級羅冠紳室窵曰室太曰大
廷與庭合嚴遵循命師以友證呼解下頌寶符榮其身
監治輔弼匪殊職塢釐俯戴何彬彬造或作窳實通船
韋市爲芾垂玠幽鑿旂相屬號皂例攸勤用答仁風醇
以首再鑑臣悚仄願森觴佩鏘鳳麟揚休之典溯韓奕
顯爲不顯詞相因龔於艾名姒於姑均此冥漠通其神
皇煌朕台暨追仰猶斬曰祈鈞曰均睂壽無疆萬億算

虔健衆祿怡疊臻奇文古義恣紬繹何論峻俊歸惟親
其言一百五十二若鐵鑄距珠穿蠟督姪臬父昔云賜
下及辛卯儋甫申倘披蒲莞奉西序虎雖焜耀詣儀賓
三千餘載迭兵火提鉛出治光華新我思當日策勲舊
彤扉玉陛交咨詢燕及朋友樂許許相予肆祀言閭閻
只今遺器雖寶守何啻版誓傳鄒鄒載繙墨脫寫長句
亢爵臣爵非其倫

示李生二章

獅林富經藏襲沿半糟柏意幽理多淺詞詭味難索安
知微妙義不於文字著元精耿大鈞誰爲柄其簫但覺

日月行萬古迭無錯人心匪方寸包涵極寥廓知慧詎
有歧根塵究誰縛願持本來意投之向冥漠

冥漠不可竟作息有至常受以大匠斧始知材木良但
憂誤鑿柄倘錯員與方園林變條卉易悴匪至勞丹山
斂靈跡不如無鳳皇偃佗飲元氣體弱神明強披雲偶
一見六合皆流光作聖有基始此理爭芴芒

伊何人哉五章章八句

伊何人哉聿駿其尙聿驚其儀克猶克壯天之相兮君
之况兮國之障兮民之望兮

良翰是矜羣醜是懲匪伊之望而誰是憑無俾厥厯底

於庶徵視淪弗毖曷紹爲承

大風其颺揚彼東海民曰罔淪天子壽豈天子股肱赫
赫冢宰以惠我休以懲我殆

見近維灼斯攬遠綱兢業其慎自衛亦臧自衛之臧豈
曰匪良有鳥在棘審色而翔

令德來貽福祿爾資用誠其懷左右爾依不僭不忒不
酷不縻民皆望伊我曷愴伊

晴望

晴後天光著水低岸容一髮草含黃鞞闌少婦心明慧
窺柳雛鶯目蕩迷中酒昨宵搜暗夢漂花去日感餘懷

漁童不解烟波趣坐把青竿打夕鷺

寄葉十八病中

勸爾好將息心毋戀短春縱他花挂眼耐得酒辭尊
夢水村隔吾懷詩卷親出江峯瘦削愁與對吟身

寒食

初晨葉翠轉涼光能接吾心自在香靜婉簾風供少憩
留停燕翼未迴翔麗城物態延東旭佳節人間感北邙
騷客窮栖多暇緒閉門橫瑟譜蕭湘

城閣

城閣對江懸千櫓動閣烟凝雲飾活水暗樹切明天畫

得大癡意琴彈中散絃一船一漁叟枕笠伴鷗眠

牆上花

春色鄰牆洩高花纈眼紅爲誰矜晚色要我怨東風爾
主心多俗靈根託亦窮愛時知獻媚尙不負天衷

灌園中葵

小資培養法莫怨雨愆期願奪遙山色多添一尺枝矮
門潛揜蔽亂影已葳蕤病後傷春客先撩蟋蟀思

展墓

旅食頻年昨始歸劣孫猶是布爲衣一樽淺酒含深淚
萬麥高原動茂暉笑貌難憑三世遠江山已閱百年非

紙錢灰冷知何著去逐風中斷燕飛

和彈篇七章當鞠歌行

一尺之上青天一尺之下黃泉生而爲人其際此子胡
獨迤邐桃李花早松柏壽考窮爾百思不越大造我身
爲櫝我心爲寶寶櫝中毋使塵擾讀書學劍難兩成
靜思密室處動思深山行密室蕭條多黯鼠深山荆榛
有飢虎出門入門還兩難歧路而立生長歎空林日落
聞急湍

夜光旦旦明星尚爛日光渾渾飛鳥四奔鴛言遠遊而
不知路罔爾一足而不能步老翁白髮悲蹉跎眼中子

弟年少多年少之人不悲老迨其悲時髮枯槁几筵有
肉杯有漿老者對之心益傷勸爾少年早行樂行樂行
樂夜燭可燃白日莫錯東風吹汝衣春花在林末蕭索
昔聞八駿馬穆王御之走天下西窮瑤池東扶桑十年
不粟顏面黃不粟而芝有仙骨歸築陵臺作安歇陵臺
脂燈照漆棺禪爾位者心方歡太陽高高不熱淵底片
雲吹來一霎千里壯哉朱侯拔劍而起坐如青山去如
流水道逢俠客邯鄲來爾意所屬吾已猜白虹不動天
門開

悲來乎噫噫殆不可以忍遏而爲此鬱伊汝其我聽爲

汝歌之君子被人以德女子媚人以色不求萬年求一
息汝睂未舒氣先塞試與汝登高樓望遠邱海在下青
浮浮繫者鷗飄者舟琪樹零落蓬萊秋仙之人兮今能
畱何弗聯袂人間遊醒眼看天不如醉那有金丹贖懣
悴

食飴匪甘食藥匪苦我思其人中夜起舞其人森森玉
樹枝空巖結屋雲蘿衣石床蒼苔三尺厚不知寒冷安
知飢胸中何所貯日月光明雜風雨有時還出山悲嘯
能動千石頑其人可望不可卽出入行蹤那能測仰看
銀漢高嵒我北斗當頭劍芒逼萬事平生在胸臆

知我者死矣不知我者左右嬉笑相揶揄爾非竟智吾
非愚激忿而競胡爲乎鳳皇不可以語黃雀語向青田
千歲鶴梧桐伐作釜底薪誰信人間有阿閣朝買一馬
暮攜一鞭南行吳楚北走趙燕路長客獨年復年道旁
插柳高過肩柳爲飄花人飄蓬踴躍踴躍安知西東
是謂可以已堂堂白日君鑒之有梭在手不織絹安庸
五色籠中絲天地生物於人最貴人負其生吁乎堪畏
蜚蜚不知歡喜聲燕鶯何知有愁淚除爾蒿滿牆拭爾
塵滿裳置爾金滿箱看爾考鐘伐鼓升明堂元雲飄搖
朱鷺翔再拜陛下陳玉觴億萬年壽宜我王

我公論

我公來南民思我公去東民悲我公今名杜我公之心
民肺腑我民疾兮公之愬兮我公疾兮民誰恤兮

當西曲安東平五曲

願歡如帶與儂相結怨歡如影顧之而滅
路旁之花不如庭草蝴蝶一春拚飛偕老
面樵髮禿歡當諒儂昔日之顏在歡意中
大難大難儂還諒歡海風漂夢繡衾夕單
夢蓮得連夢藕得藕明日歡歸萬事何有

湘烟

湘烟上裊玉龍薰若木流霞耀烏裙兜率無梯天是海
曼陀有樹葉爲雲仙輿電擁神旂下梵閣風迴祕樂聞
指笏三呼朝太乙願隨五老譯真文

花草合幅爲朱熊題

茗水長房吾舊友海紅點染曼陀手玉茗仙人佩華綬

賈曉樓丹

旭山茶綴翁風骨老益蒼爲余曾寫姑射粧此筆亦

似忘庵王

腰雲樓樹
柏水仙

休文用筆主瘦勁紙帳纖魂攝明

靚折腰哆口豈其病

沈竹賓
雜餅梅

小海胎息南田翁傾朱調

粉無不工雙蓓暉指重臺紅玉環淺笑宜春風

翁小海
雜壯丹

子祥亦是菰林妙手割蒼雲來鶴嶠青鳳靈符遜奇峭

復莊詩問

卷十七

三 大梅山館集

張子祥
熊石

夢泉六法素高潔千金寶比五龍瑛物得所主
等綽楔我爲題詩補其缺

善哉行

有田可食情者不耕情者不耕三年而荒 三年而荒
三月治之破土得絲微有生機 東家貧兒上山拾栗
母病失炊無憂晚食 西家貧女攜蘭種香畚有怨色
怨春不長 貧兒貧女各有心緒雖日見之難相告語
寄語情者力不恃人以力恃人自棄其身

夏日里居寄厲山人

志

阮明經

訓

葉茂才

元增

並

示張廣文

振夔

盧明經

振

得二十六韻

燭日不到窻平檐蔽新黍似忘臯上農揮汗正勞苦和
薰天閭來萬里不偏阻清涼持素心魑氣焉敢侮枕席
巉有稜磈礧警雷斧何以樊棘蠅方驅復潛聚豈真瓊
紗幃未密花海堵眩耳聲多譏孰能遂安處吾宅當浹
江卑地濕愁鹵往往溽氣蒸病面作焦土疹及鷄鵲巢
短翼搗難舉仰賴 皇澤仁聊免墮草莽近聞多海祲
七省戒門戶慵黠不畏誅秦兵等秦虎濫及亡命流招
之備行伍此輩久恃安輕心那知武城頭高赤雲乖龍
斬甘雨還虞秋後饑儲糧歉倉庾諸君思救時翻側有
同緒將何策萬全少爲 盛世補可憐鯢生賤跼身一

榱俯噤口不得開有掌向誰拊柴門晚逡巡燥葉颯平
楚偶得微籟涼便思垂袖舞魂彼暮角鷗恬心貼烟渚
渚底光熒熒大鵲射南宇

聞川十二詠

爲王江涇計曦
伯光所題畫

蟻露作香麴春影絢斜陌么禽抱烟語梵響如未隔幽

人破曉來徘徊試吟寫

花街探春 街在涇北元
至正有僧舍曰花雨界

露柳致明灩風柳極婀娜纖翠在四舷攜尊就鶯坐我

愛柳七詞醉醒月初墮

柳灣載酒 涇
西有楊柳灣

新篁濯晨瀟古穉飄夕颺如披老可畫擬續髯蘇詩疎

磬擊空翠流影生漣漪

東禪訪竹 東禪寺在涇南宋
元祐間建多竹坡翁開詩處也

危樓削孤翠溪雲盪簾影玉山渺巾屐古意共誰領但

有碧天鶴戛露下清迥

合谿懷古 合谿別業元末顧仲瑛居之有來遠樓與僧來復

相唱和在涇北

草閣無六月水障雜蒲蓼涼風颭巾袂斜陽去平蟲蒼

然動夕色漁歌落烟杪

滄浪道暑 蓮花整一名小滄浪

雨意劒南詩風情子安曲美人舞團扇萬葉颭華綠何

似月嬋娟涼夜照鴛浴

水月觀荷水月林庵名

秋葉戰危樹不雨已蕭颯頽雲忽沍夜階蛩助繁沓水

燈燄人影息夢坐禪榻

古庵聽雨 一宿古庵唐國一祥師自牛首來往逕山曾過此

一宿旁有銀杏樹其遺核所生

復莊詩問

卷十七

五

大梅山館集

上乘不受滓了了月印潭筆墨戒塵障禪悅可互參天

龍在睂睫虛白彌古龕

雪龕問禪

寒山僧海湛能詩畫見知於王百穀陳睂公天啟

間移錫來居李

氏墓所曰雪龕

天澄疑接地水遠欲無岸飛虹絡雲帶人影在河漢橫

管唱西風荻心驚宿雁

冠蓋佇月堤中亭名宜月

爲湖

天神攬太阿秋籟尙空嘯登臺俯平峻敗葉滿斜照且

呼玉局翁分泉煮石銚

劔臺掃石居日三徑草堂

明蔣石林先生所天啟乙丑墾地

得石匣貯水一泓夜聞龍吼知爲劔乃築臺誌之日劔嘯今圯

家風守貞白淵明有後起巍巍菊隱祠芳馨競栗里至

今霜圃華紺碧燦秋綺

菊祠賞秋造圖曾奉詔勤王

宋德祐末里人陶歸戒子孫弗

仕莪菊千本以自娛其
裔孫建祠號曰菊隱

秋雪何蕭蕭一白匝洲渚平疑釣艦沒低引亂鷗舞買

權一沿洄吟衫拂涼絮

蘆花泛雪 涇上多蘆故名

題章廣文

繡

西溪梅竹山莊圖二章

柴屯柳柵出烟中九汊青溪一棹通上界雲巢依佛國
禪壇樊榭仰詩宗篁陰密雨延秋綠花隙初霞餌曉紅
起側蘿巾尋漁子琅琅水調答天風

生涯酒國與鷗天著作渾忘幾歲年壽世文章才士福
主盟風月上清仙過門冷聞無騶騎入夢清涼有石泉
安得與君結鄰社馬塍花底拜嬋娟

復莊詩問

卷十七

六 大梅山館集

王麓臺秋山紅樹圖

爲家六榆
明經題

司農家法守奉常畫筆突過瑯琊王上探元化著翰墨
特抒理與爲形相營邱骨幹大癡法少時得隨便自強
內廷簪筆充供奉潤色天采卓煌煌紙材宣德墨嘉
樹神之所駛心飛揚脫其凡習出沈着有如魔杵持金
剛茲圖灑落能鬱蒼誰凌九疑俯大湘平波衍媚翠初
沐鳴鳧不亂藻荇香靈根巉削挂平岫遠脈迤邐收危
岡雲瀾蕩漾散金碧樹枝高下駢丹黃將沈未沈有殘
照若斷不斷疑石梁天門竒窈廣睂佛瑤宮旖旎仙姝
粧統觀大勢極凝鍊知由厚蘊中磅礴不寫秋貌寫秋

意感我心腑生清涼迺稽歎題識所自當爲應
詔開
琳琅遙知 天子撫玉几 龍威坐省南書房 黼展
屏障半公手 賜詩遂得榮圖章弟子唐趙亦能事但
於清濁爭否臧何時流落向人世尺楮直許千金顏吾
家雲東夙好古示我百軸陳縹緗獨於此卷重拂拭如
披衆宿輝銀潢平生所見半廣本區區古欲多難償只
今十日不厭讀夢寐亦接霞虹光匡廬台宕在天地塊
使雲水成滄桑

載書訪友圖爲陳銑題二絕句

輞川畫筆三吳冠

畫爲王椒
畦學浩作

記室詩情八代豪約畧故

人門徑在斜陽春樹滿江皋

胷中文史千秋在眼底朋儕幾輩存何日問奇吾載酒
一帆風雨到君門

題曹

德馨

集後卽贈

曹生軀幹不七尺藐與萬古相擊搏寸心明竅豈日月
上燭五道深九淵文章酷惡語人語飛行空躡無依緣
屠龍泗水河帶赤脯雲釀麴天漿鮮妖狐阿紫善媚蠱
側鬟斜睇花羞媽台圍突作短兵格驕虎氣搯毛戟卷
雌霓隱霧吸東海迴芒倏裊西雷鞭喧闐弩矢射沙雨
仰視星宿森列纏跼諸斗甕且偪仄恣其翩翼隨漫汗

萬仞一墮石駭碎稜角不損如續綿真宰畏蕙造化哭
蒼頡悔憤媧皇憐游絲可纜鉞可柱愚憲能佛騃能仙
門庭詎假土木搆衣帶亦喜草卉編命脈不斷究何接
醜劣所至能倍妍商鐘周鼓尙睥睨下此何問三千年
或憫大塊衆生苦啁聲啾響相接連性情優孟覺猶死
廣莫能諭乃獨肩君其往極無何有我將再拜摩兜堅

竹垞朱氏遺硯拓本四絕句

少宰銘詞起磔波

彭羨門銘云太璞完形神全發爲文章任自然

星精無恙濯

天河力除蟣刻歸融湛石與文章共不磨

垂老功名寄筮簪著書精血此消磨百花莊塢荒邱月

寂寞西風蟋蟀歌

名士襄陽結古痂

本孟松田舊物後歸方司馬維祺

灘哥在握拭朝赭

特逢介友通貞約要助文鐙續麗葩

百三十載風雷劫修到方壺上侍仙太史精靈憑一息
養培後秀此遺田